



ILMIY-METODIK ELEKTRON JURNAL
НАУЧНО-МЕТОДИЧЕСКИЙ ЭЛЕКТРОННЫЙ ЖУРНАЛ
SCIENTIFIC-METHODOLOGICAL ELECTRONIC JOURNAL

Til va adabiyot.uz

«Til va adabiyot – Преподавание языка и литературы – Language and literature teaching» (e-mail:tilvaadabiyotuz@gmail.com) <https://oak.uz/pages/4802>



*Bahor keldi
seni so'roqlab...*

*Salqin saharlarda, bodom gulida,
Binafsha labida, yersarda bahor.
Qushlarning parvozi, yellarning nozi,
Baxmal vodiylarda, qirlarda bahor...*

*Qancha sevar eding, bag'rim, bahorni,
O'rik gullarining eding maftuni.
Har uyg'ongan kurtak hayot bergen kabi
Ko'zlaringga surtib o'parding uni.*

*Mana qimmatligim, yana bahor kelib,
Seni izlab yurdi, kezdi sarsari.
Qishning yoqasidan tutib so'radi seni,
Ul ham yosh to'kdi-yu, chekiindi nari.*

TAHLIL

O'tkir Abdunazarov. Esse janri va Nosir Fozilov ijodi.....	56
Sardor Baxriddinov. G'afur G'ulom asarlaridan kelib chiqadigan huquqbazarlik holatlarining bayoni.....	60
Alimardon Ergashev. Said Ahmad "Taqdir, taqdir, muncha beshafqatsan!" hikoyasini blum taksonomiysi orqali o'rganish.....	61
Nargiza Mirzayeva. Mediada bolalar uchun kontent yaratish tamoyillari.....	64
Shohinur Rahmataliyeva. "Alpomish" dostonida Barchin obrazining o'rganilishi.....	66
Amira Ibatova. Non bilan bog'liq leksemalar tahlili.....	68
Nigora Abdusalomova. "Zavarxon" dostonining o'ganilishi.....	70
Normat Yuldashev. Cho'lpion she'reyatida poetik tilning xalqchillashuvi.....	72
Gulhayo Isabayeva. "Quyoshim – enam" qissasida personajlar sisitemasi.....	75
Nazokatxon Tojibayeva. Jamiyatda xotin-qizlarning rolini kuchaytirishga xizmat qiluvchi qaror va farmonlar hamda ularning ijtimoiy ahamiyatliligi.....	76

PEDAGOGIKA

Dilbar Ibragimova, Malika Muxamadiyeva. Xorijiy tillarni o'qitishning ta'lif tizimida tutgan o'rni va o'qitishning nazariy mezonlari.....	79
Maysara Axmedova. Hadislarda ekologik tarbiya masalalari.....	82
Mohigul Fozilova. O'zbek tili ta'lifi jarayonida talabalarining ijodiy faoliyatini loyihalashtirish metodikasi.....	86
Adash Rustamova. Pedagogical approaches and diagnostics of teaching in higher education.....	88

METODIK TAVSIYA

Nilufar Abidova. Inklyuziv ta'lif sharoitida olib boriladigan pedagogik faoliyatning pedagogik imkoniyatlari.....	92
Nilufar Turg'unova. Ona tili ta'lifida loyiha texnologiyasidan foydalanishga oid mavjud holat tahlili.....	94
Surayyo Inomjonova. Fantastik asarlar orqali o'quvchilarni tanqidiy fikrflashga o'rgatish usullari.....	98
Zamira Yuldasheva. tili ta'lifida loyiha texnologiyasidan foydalanishga oid mavjud holat tahlili.....	101

TILSHUNOSLIK

Umidaxon Ahmadova. Perifraza va frazeologik birliklar.....	104
Ezoza Hazratqulova. Xorijiy tillarni o'qitish metodikasi psixolingvistikning ahamiyati va nutq faoliyati turlari.....	107
Gulshoda Ruziyeva. Sotsiopragmatik tahlilda nutqiy aktlarning o'rni.....	111
Nargiza Aliyeva. Evfemizm va ulardan foydalanish asoslari.....	112
Shohsida Eshbo'tayeva. Til tarkibiga musiqa terminlarining ta'siri: dunyo tilshunosligi misolida.....	114
Nigina Axmedova. Til va madaniyatning o'zaro aloqasi.....	117
Sarvinoz Mardonova, To'lqin Asadov. Ayrim muallif nutqi neologizmlarining leksikografik talqini xususida.....	119
Lobar G'aniyeva. Davlat boshqaruvi terminlarini tematik tasniflash nazariysi.....	122
Manzura Ernazarova. Masofiy ta'lif jarayonida o'qituvchilarning axborot-kommunikatsiya kompetentsiyasini rivojlantirish.....	124
Maxfuza Axmadjonova. O'zbek tilshunosligida matn muammosining o'ganilishi.....	126
Sadoqat Samandarovna. Evfemik frazeologizmlar tushunchasi va uning o'ganilish tarixi	128
Dilzodaxon Saydaliyeva. O'zbek struktur tilshunosligining rivojida professor Sh.Iskandarovning o'rni.....	130
Dilara Dospanova. Til va madaniyatning o'zaro ta'sirida antroponomilar	133

KICHIK TADQIQOT

Intizor Abdujabborova. Sirojiddin Sidqiy Xondayliqiy "Sad Irshodi Mullo Sidqiy Xondayliqiy" va "Zarbulmasali Sidqiy" asarlarining o'ganilishi	135
Shohista Abduqodirova. Ramziy-majoziy ma'no asosida axborot yetkazish.....	138
Zilola Mirqodirova. The role of pronunciation for english students	142

Sarvinoz MARDONOVA,
Buxoro davlat universiteti, o'zbek tilshunosligi
va jurnalistika kafedrasi o'qituvchisi;
To'lqin ASADOV,
Buxoro davlat universiteti, o'zbek tilshunosligi
va jurnalistika kafedrasi dotsenti, f.f.n.

AYRIM MUALLIF NUTQI NEOLOGIZMLARINING LEKSIKOGRAFIK TALQINI XUSUSIDA

Annotation: maqlada neologizm va u bilan bog'liq individual nutq neologizmlari, ularning yuzaga kelish mezonlari yoritilgan. Badiiy asarda leksik neologizmlar, neologizm-semema, affiksatsiya, kompozitsiya usulidagi individual neologizmlar, juft va takror shakldagi individual nutq neologizmlari, neologizm-semema, frazeologik (ideomatik) individual neologizmlar haqida fikr yuritilgan

Kalit so'zlar: neologism, individual nutq neologizmlari, leksik neologizmlar, neologizm-leksema, neologizm-semema, affiksatsiya usulidagi individual nutq neologizmlari, kompozitsiya usulidagi individual nutq neologizmlari, juft va takror shakldagi individual nutq neologizmlar, frazeologik individual nutq neologizmlar.

Аннотация: в статье освещены индивидуальные речевые неологизмы, критерии их возникновения. В ней речь идет о лексических фразеологизмах, о неологизмах-лексемах, об индивидуальных речевых неологизмах, в методе аффиксации, о речевых неологизмах в композиционном методе, об индивидуальных речевых неологизмах в парной и повторной формах, о фразеологических индивидуальных неологизмах речи.

Ключевые слова: неологизм, индивидуальные речевые неологизмы, лексические неологизмы, неологизм-лексема, неологизм-семема, индивидуальные речевые неологизмы в методе аффиксации, индивидуальные речевые неологизмы в методе композиции.

Annotation: the article is dedicated to the description of neologism and individual speech neologisms related to the neologism, and their formation criteria. Views on lexical neologisms, neologism-lexeme, individual speech neologisms in the affixation method, individual speech neologisms in the compositional method.

Key words: neologism, individual speech neologisms, lexical neologisms, neologism-lexeme, individual speech neologisms in the affixation method, individual speech neologisms in the compositional method, combined and repeated form individual speech neologisms, phraseological individual speech neologisms.

Kirish. Mahoratli ijodkorlar poetik individuallikka alohida ahamiyat bergenliklari, bunda tilning fonetik, leksik-grammatik birliklaridan o'rini foydalangan holda badiylikni ta'minlashdagi mahorati, shuningdek, o'z individual uslubiga egaligi bilan har zamon va har makonda o'z o'quvchilari auditoriyasiga ega bo'lib kelgan. Ijodkor individualligi – muallif nutqi neologizmlari til birliklarining imkoniyatlari bilan bog'liq. Iqtidorli ijodkor tom ma'noda mohir tilshunos hamdir. Til sezgirligi yuqori, til bilimdoni bo'lgan yozuvchi va shoirlarning asarlari o'qishli bo'ladi, mangu yashaydi. Vaholanki, til tafakkurning quroli bo'lishi bilan birga, til boyligi tafakkur boyligi hamdir. Aytmoqchimizki, har bir xalq tafakkurining kengligi uning tili bilan belgilanar ekan, bunda yangi-yangi paydo bo'layotgan til va nutq birliklari, so'zning ma'no imkoniyatlarning taraqqiyoti[1], har bir til lug'at qatlamining miqdor va sifat jihatdan takomili bunda muhim rol o'ynaydi.

Umumiy tilshunoslikda, ma'lumki, "individual uslub", "individual nutq", "muallif neologizmlari" kabi atamalar tez-tez qo'llanib turadi. Mazkur atamalar individual nutq neologizmi bilan aynan bir hodisa emas. Individual uslub "individual nutq neologizmi" dan kengroq tushuncha. Individual nutq neologizmlari

manbalarda "muallif neologizmlari" sifatida ham talqin etiladi. [2;3;4;9].

Badiiy matnni lingvopoetik tahibili jarayonida tadqiqotchi oldida ijodkor qalamiga mansub individual jihatlar, ijodkor individual uslubiga xos bo'lgan struktural o'zgarishlar, ijodkorning individual nutq uslubini ochib berish vazifasi ham ko'ndalang turishi tabiiy. O'zbek lingvopoetikasida bu borada, ya'ni badiiy uslubda individuallik, uning ko'rinishlari borasida ayrim ijodkorlar misolda u yoki bu darajada tadqiqotlar amalga oshirilgan[5;6;8]. Lekin mazkur tadqiqotlar ijodkor individualizmi (individual neologizmlar)ning o'rganilishini ma'lum bir foizinigina tashkil etadi, xolos. Qolaversa, bugungi kun matn tilshunosligida badiiy matnning antroposentrik talqini borasidagi tadqiqotlarning ommalashib borayotgani ham muallif nutqi neologizmlarining chuqurroq tahliliga ehtiyoj tug'dirmoqda.

Asosiy qism. Biz quyida Muhammad Yusuf, Usmon Azim, Farida Afro'z kabi iste'dodli ijodkorlar alohida e'tibor bergen hamda mavjud lug'atlarda [7] o'z ifodasiga ega bo'lmagan ayrim mualliflik nutqi neologizmlarni kuzatamiz, shuningdek, leksikografik belgisini ifoda etib o'tamizki, yangi avlod lug'atlarining

rivoji xuddi shu hodisa, ya'ni muallif nutqi neologizmlari, ularning sifat va miqdori bilan ham uzviy bog'liq.

-boz affaksi otlarga qo'shilib, asosdan anglashilgan narsa yoki hodisa bilan faol shug'ullanadigan, unga qiziqadigan, juda berilgan shaxs kabi ma'nolarni beruvchi sifatlar yasaydi. Muhammad Yusuf ijodidan kuzatamiz: 1. Shoir o'lsa kim ham kuyunar deysiz/ Madhiyaboz hozir suvarakdan ko'p. ("Xavotir") 2. Men shoir emas, men nazmboz kosib/ She'rim shuhratimga emas munosib. ("Yalpiz") 3. Eslamasa nima, men bir to'pori/ Qishloqi so'zbozni, osmon yiqlimas. ("Ertak")

Muhammad Yusuf ijodidan olingen mazkur misollardagi madhiyaboz, nazmboz, so'zboz mualif nutqi neologizmlari safsataboz, qimorboz, masxaraboz kabi so'zlar qolipi assosida yuzaga kelgan, deyish mumkin. Ularning ma'no ifodasi quyidagicha:

madhiyaboz – misrada salbiy ma'no ifodasi uchun qo'llangan bo'lib, quruq gap sotishni yoqtiradigan, yolg'on-yashiq va'dalar beradigan, soxta vatanparvar shaxs ma'no ifodasiga ega.

so'zboz/ nazmboz – so'z va uning turli shakkari, ma'no ifodalarni yuzaga chiqarishga usta, kinoyali, tagma'nolar yarata oladigan, til sezgirligi yuqori bo'lgan shaxs. She'nda mazkur so'zlar salbiy ma'no ifodasi (kinoya) uchun ishlataligan.

-furush affksi otlarga qo'shilib, asosdan anglashilgan predmetni sotish bilan shug'ullanuvchi shaxsni bildiruvchi ot (gulfurush, do'ppifurush) lar yasaydi. Mazkur affiks bilan yuzaga kelgan muallif nutqi so'zları salbiy ma'no ifodasi uchun qo'llanganini ko'rdik: Bahor so'rab kelsa jamolingizni/ Shudring yo'qlab rayhon shoxida sizni/ Bir o'y qiy namasmi gohida sizni – Nafro'zfurushlar? (M.Yusuf, "Sumalak")

navro'zfurush – milliy qadriyatlar, ma'naviyat, urf-odatlar, tarix toptalgan bir davrda – sho'ro davrida xalq orasidan chiqqan xoin, sotqin, yuzsizlarning umumlashma obrazи hisoblanadi. She'nda ushbu so'z ko'chma ma'noda qo'llangan.

Xuddi shu kabi holat, ya'ni -furush affksi bilan hosil bo'lgan neologizm Usmon Azim she'riyatida ham mavjud: Ustozim deganing she'rfurush chiqsa/ Suyganim deganing erfurush chiqsa/ Podshohim deganing elfurush chiqsa – Chidagin bolam-a, chidagin. ("Baxshiyona qo'shiqlar") Kuyunchaklik bilan bitilgan mazkur she'nda she'rfurush, erfurush, elfurush kabi nutqiy birliklar barcha razilliklardan tonmaydigan, yomon xulq, illatlar girdobiga tushib qolgan kishilar; xoin, iymon-e'tiqodsiz, sadoqatsiz kimsalar tarzidagi ma'no umumlashmasiga ega. Misollardagi nutqiy yasalmalar vatanfurush qolipi assosida yuzaga kelgan va o'zaro nutqiy sinonimik qatorni vujudga keltirgan. Navro'zfurush, elfurush, she'rfurush, erfurush so'zları bosh so'z, ya'ni vatanfurush so'zi atrofida birlashadi.

-goh affksi asosdan anglashilgan voqeа-hodisa

bilan bog'langan o'r'in bildiruvchi otlar yasaydi. Usmon Azim ijodidan kuzatamiz: 1.Kurashlarda garchi yondim/ Shukur, vijdon beyamoq/ Chizavergin imonimni: Imongoh – yurak oppoq. ("Maqsud Shyxzoda") 2.Zulmatgoh xonaning ichida, yorim/ Endi sezavergin o'zingni tobon. ("Men yoqman...")

imongoh – imon/iymon so'zi asosida yuzaga kelgan bo'lib, imongoh e'tiqod, ishonch, vijdon maskani – Olloh qarorgohi hisoblangan inson qalbini anglatadi. Shoир she'nda o'z yuragi, ko'nglini imongoh deya ta'riflaydi.

zulmatgoh – zulmat so'zi o'z ma'nosida qorong'ulik, zim-ziyo, tim qorong'ulik ma'no ifodasiga ega bo'lib, zulmatgoh so'zi bilan xuddi shu holat nazarda tutilgan. She'riy parchada "zulmatgoh xona" birikmasi ko'chma ma'noda baxtsizlik, judolik xonasi ma'nolariga ega.

– iy/viy affksi otlardan xoslik, taalluqlilik ma'nosini anglatuvchi nisbiy sifatlar yasaydi. Masalan: Osmoniy orzular, yulduzlar qadar/ Bari ishqiy erur, barisi ezgu. Farida Afro'zning "Qiziq yashayman men" nomli she'ridan olingen bu misrada osmoniy so'zi "osmon qadar, yulduzarcha orzular" – buyuk maqsadlar, olamshumul orzu-istaklar ma'no ifodasini anglatib, osmoniy so'zi ham holat, ham miqdor ma'nosini bildirmoqda.

– **kor affksi** kasb egasi, mutaxassislik, mashg'ulot bilan bog'liq shaxs oti, asosdan anglashilgan narsani ekuvchi shaxs oti hamda o'xshashlik, xususiyat, holat ma'nolarini ifodalovchi sifat yasaydi: Cheksizlikdan nari yana cheksizlik/ Faqat biri – muzkor, biri – olovkor. ("Qush haqida ballada") Ma'lumki, Usmon Azim she'riyatida yangi so'zlar, yangi topilmalar ko'p uchraydi. Mazkur misolda favqulorra hosil qilingan muzkor, olovkor nutqiy birliklari obrazli ifodalari kitobxonni o'ziga jalb etadi, muayyan bir voqelik haqidagi tasavvurlarini kengaytiradi. Muzkor va olovkor so'zlar antiteza usulini yuzaga keltirgan.

muzkor – forscha -kor (ekmoq) affksi ma'nosini asosida yuzaga kelgan; yovuzlik undiruvchi, tarqatuvchi shaxs. **Olovkor** – yaxshilik, ezgulik ramzi. She'nda mazkur so'zlar ko'chma ma'noda qo'llangan. Yana bir misol: Surat parchasini yerdan ko'tardim/ Bir ko'z boqar edi menga alamkor. ("Surat parchasi haqida doston")

alamkor – belgi ifodalovchi so'z bo'lib, alamlı so'zi bilan ma'nodoslik hosil qiladi. Alamkor boqmoq birikmasi dard-alamli, og'riqli, azobli holda qaramoq holatini ifodalaydi.

-lash affksi otlarga qo'shilib asosdan anglashilgan tushuncha bilan bog'liq harakatni bajarish ma'nosidi fe'llar yasaydi. Farida Afro'z ijodidan: 1. Tash dilman/ daryolashaylik/ Ko'ngil ochib, dunyolashay Har lahzada diydorlashaylik/

Siz yonimda qoling, azizim. ("Ko'ngil dog'i")
2. Abadiy lol tog'lar tillashdi/ Qizil tan-u oqlar

dillashdi/ Yakka-yakka toqlar sirlashdi/ Tarqoq elim, jam bo'l, bag'ring och. ("Turon zamin") Ushbu she'riy parchalarda [ot+lash] qolipi hosilalari sifatida daryolashmoq, dunyolashmoq, diydorlashmoq, tillashmoq, dillashmoq kabilar she'r qofiyasi, ritmi, shakl va mazmunini ta'minlovchi so'zlar sifatida o'rni qo'llangan. Diydorlashmoq, tillashmoq so'zlar lug'aviy (lug'atlarda o'z ma'nosiga ega) so'zlar, daryolashmoq, dunyolashmoq, dillashmoq kabilar esa nutqiy yasama so'zlar sanaladi. Lug'atlarda ifodaga ega emas.

daryolashmoq – holat ma'nosini ifoda etib, she'rda jo'shqinlik, to'lib-toshgan holat ma'no ifodasini anglatadi.

Dunyolashmoq – holat ma'nosini ifoda etib, uzoq diydorlashmoq, sirlashmoq, jon do'st tarzda fikr almashmoq tarzidagi ma'nolarni ifodalaydi.

dillashmoq – holat ma'nosidagi so'z bo'lib, kishining ichki ruhiy dunyosi, his-tuyg'ularini; kimsaning dard-u alamlari, hasratlariga sherik bo'la olish holatini anglatadi.

Daryolashmoq, do'stlashmoq, dillashmoq nutqiy yasama so'zlar kishining ma'naviy, ruhiy olami, hayotiy faoliyati, olamga munosabatini ham ifoda eta oladi. Kuzatishlar ko'ssatadi, muallif nutqi neologizmlarini hosil bo'lishida [ot+la/lan/lash], [ot+kor], [ot+dosh], [ot+zor], [ot+furush], [ot+goh], [ot+boz], [ot+siz], [ot+furush] so'z yasash modellari nisbatan faol ishtirop etadi. Bunda so'z yasalish asosi, odatda, narsa/ shaxs/ o'rin-makon/ mavhumi otlar bo'lib keladi.

Muallif nutqi neologizmlari kompozitsiya usulida ham yuzaga keladi. Qo'shma shakldagi muallif nutqi neologizmlarini yaratishda Muhammad Yusuf ijodi peshqadamlik qiladi. Ayrim misollarni kuzatamiz: Qadim O'zbekmomo kuyi yodimda/ Yodimda chechaklar kulgan chambili. She'rdagi o'zbekmomo shaxs oti o'zbek ayollarining o'tmishdagi umumlashma obrazi bo'lib, qo'shma so'z tarkibidagi momo so'zi "hurmatli, ko'pni ko'rgan, e'zoz-e'tiborli ayol" ma'no ifodasiga ega bo'lib kelgan. Yana bir misol: She'riyat bu qadim buyuk so'qmoq ekan/ Kiyikso'qmoq ekan, kiyikso'qmoq ekan. ("She'riyat") Shoир she'riyat yo'li mushkulligini, hamma ham bu yo'ldan yura olmasligini uni kiyikso'qmoqqa qiyoslashi bilan ifoda etadi. O'z o'mnda topib aytilan ushbu obrazli tasvir to'laqonli estetik vazifa bajargan. Yana bir misol: Muhabbatim, qaydasan, qalb ardog'im/ Jayronko'zim, qirlarga qolgan ohim. ("Muhabbat") She'rda jayronko'z individual nutq neologizmi muhabbat so'zining sifatlovchisi bo'lib kelgan.

Tahsilga tortilgan misollardagi o'zbekmomo, kiyikso'qmoq, jayronko'z kabilarning izohli lug'atlarda[7] o'z ifodasiga ega emasligi ham ularning muallif neologizmlari bo'la olishi dalili

bo'la oladi. Shoир ijodini kuzatar ekanmiz, unda yolg'zbosh, tillabarmoq, kulko'rpa, yo'lbarsyurak, sirtlonpanja, kiyiknigoh, shertirnoq, boboyurt va h.k. qo'shma shakldagi nutqiy yasama so'zlarga duch kelamiz.

Qo'shma shakldagi muallif nutqi neologizmlari, odatda, ot+ot qolipi asosida yuzaga kelgan bo'lib, predmetlik hamda belgi-xususiyat ma'no ifodalarini bildirishi bilan xarakterlanadi.

Usmon Azim ijodi bilan bog'liq muallif nutqi takror so'zlar sifatida: Ko'ngilchan yomg'irlar jim-jim yog'adi – Go'yo sen-u mening yomg'irim kabi. ("Endi u ko'chaga sira bormayman") Erka-erkaaldoqqa/ Konikaver, jonivor. ("Gullar hidin ufurar") Suruv-suruv qo'ylar qoladi/ Uyur-uyur otlar yaylovd... ("Baxshiyona qo'shiqlar") Maysalarday yashar olamda/ Ayyor-ayyor ishlardan basir. ("Yaxshi odam") Odamlar ko'zida/ Yosh tizim-tizim. ("Odamlar") Shoир bir she'rida balo-bad tarzidagi favqulodda juft so'zni yaratadi: 1. Qochmay elatning tanti-mardlari/ Kelsa ham do'zaxning balobadlari kabilar kuzatiladi.

Iboralarning yangicha ko'rinishlari (qayta ishlangan, tarkibiga yangi birliklar kiritilgan, tarkibi qisqartirilgan va b.) badiiy adabiyotda keng kuzatiladi[6,36]. Misollarni kuzatamiz: 1. Muhammad Yusuf ijodidan: Joningga jon bo'lmayman-u, sevaman... ("Muhabbat"), Qalinga tuyam ham tushib qolgan yo'q. ("Sodda Muhammadman...") Shaytonning xizmatin qilishar bari!.. ("Menday g'aribni ham ko'rolmaslar bor") O'z qo'lingda endi qushing, o'zing ovla. ("Tilak"); Usmon Azim ijodidan: Mening izzatimni qorasan loyga. ("Ertak"), Bosar – qalbim tortadi mayda. ("To'yanmidim shodlikni ichib"); Farida Afro'z ijodidan: Jonimni cho'qiydi bir mayl. ("Har holda"), Chang tegmas iymoningga. ("Bolam")

Xulosa. Bilamizki, o'zbek tili lug'at qatlaming boyishida ijodkorlarning o'mi katta. Ular yaratgan so'z va iboralar, tasvirlar evaziga lug'at fondi boyib boradi. Albatta, lug'atlar nutqiy hosilalarni emas, lug'aviy birliklarni qamrab oladi. Biroq har qanday lug'aviy birlikning "dunyoga kelishi" nutq bosqichi bilan belgilanadi. Shunday ekan, muallif nutqi neologizmlari vaqt o'tib, lug'aviy birliklarga aylanib lug'atlar uchun material bo'lib xizmat qila oladi.

Xullas, iste'dodli shoир Usmon Azim so'zlar bilan obrazli tarzda aytganda „so'zlarning bemiqdor jarangi bor". Mazkur bemiqdor, jilvakor ranglar matnda yuz ko'ssatadi, to'g'rirog'i, iste'dodli ijodkor mehnati evaziga namoyon bo'ladi. Mualliflik neologizmlari so'zning shaklan va mazmunan tubdan yangicha nutqiy (hosila) ma'nosi sanalib, badiiy, poetik nutqning yuzaga kelishida alohida ahamiyat kasb etadi.

Foydalaniilgan adabiyotlar

1. Миртожиев М.М. Ўзбек тили семасиологияси. –Т.: “Мумтоз сўз”, 2010.
2. Тошлиева С.Н. Ўзбек тилида окказионал сўз ясалиши. Филол. фанлари номз. ... дис. автореф. –Т., 1998.
3. Турсунов У. ва б. Ҳозирги ўзбек адабий тили. Олий ўқув юртлари филология факультетлари талабалари учун дарслер. –Т.: “Ўзбекистон”, 1992.
4. Умирова С. Ўзбек шеъриятида лингвистик воситалар ва поэтик индивидуаллик (У.Азим шеърияти мисолида). Филол. фан. номз. ...дис. автореф. – Самарқанд, 2019.
5. Шодиева Д.Ш. Мұхаммад Юсуф шеърияти лингвопоэтикаси: Филол.фан.номз. ...дис. автореф. – Т., 2007.
6. Юлдашев М. Бадиий матннинг лингвопоэтик тадқиқи. Филол. фан.док. ...дис. автореф. – Т., 2009.
7. Ўзбек тилининг изоҳли лугати. 5 жилдли. –Т.: “Ўзб. Мил. Энцик.”, 2006–2008.
8. Қосимова М.Б. Бадиий нутқ индивидуалличининг лингвистик хусусиятлари (Тоғай Мурод асарлари асосида). Филол. фан. номз. ...дис.автореф. – Т., 2007.
9. Ҳожиев А. Тилшунослик терминларининг изоҳли лугати. –Т.: ЎзМЭ Давлат нашриёти, 2002.

Lobar G'ANIYEVA,

Alisher Navoiy nomidagi Toshkent davlat o'zbek tili va adabiyoti universiteti tayanch doktoranti

DAVLAT BOSHQARUVI TERMINLARINI TEMATIK TASNIFFLASH NAZARIYASI

Annotatsiya: maqolada terminologiya sohasidagi terminlarni mavzuviy guruhlash nazariy jihatdan o'rganilgan. Davlat boshqaruviga doir terminlarni tematik tasniflashning asosi yaratilgan. Semantik maydon tushunchasi tahlil qilingan. Tematik tasniflashdagi lingvistik yondashuvlar o'rganilgan.

Kalit so'zlar: *lingvistik yondashuv, leksik-semantik maydon, leksik birlik, leksik element, tematik tasnif, davlat boshqaruvni terminlari.*

Аннотация: в статье теоретически исследована тематическая группировка терминов в области терминологии. Создана основа тематической классификации терминов, связанных с государственным управлением. Анализируется понятие семантического поля. Изучены лингвистические подходы к тематической классификации.

Ключевые слова: *лингвистический подход, лексико-семантическое поле, лексическая единица, лексический элемент, тематическая классификация, термины государственного управления.*

Annotation: the article theoretically studies the thematic grouping of terms in the field of terminology. The basis of the thematic classification of terms related to state administration has been created. The concept of semantic field is analyzed. Linguistic approaches to thematic classification, studied.

Key words: *linguistic approach, lexical-semantic field, lexical unit, lexical element, thematic classification, state administration terms.*

Tildagi sohaviy birliklarning lug'at tizimidagi o'rnini aniqlash va til sitemasidagi ahamiyatini belgilash maqsadida mavzuviy va ma'noviy guruhlarga tasniflab tadqiq qilishga alohida e'tibor berilgan. Shu paytga qadar leksikologiya tarixiy, qiyosiy leksikologiya, tasviriy va tavsifiy leksikologiya kabi bir necha tarmoqlarga ajratilgan holda tadqiq qilingan. Lug'aviy birliklarni guruhlash uchun tilshunoslikda ikki xil yondashuv mavjud. Bular mavzuviy guruhlash (MG) va leksik-semantik guruhlash (LSG) bo'lib, sohalarga doir terminlarni tadqiq etishda ham shu lingvistik usuldan foydalaniлади. Terminlarni tasniflash va tavsiflash, guruhlashtirish muayyan davrdagi davlat, jamiyat tuzumi, rivoji hamda fan darajasini ko'rsatib beradigan

omil sifatida ham muhimligi ta'kidlangan. Ayniqsa, davlat boshqaruvi terminlarining mavzuviy tasnifi bugungi kundagi siyosiy boshqaruv va jarayon haqida ma'lumot beruvchi, lingvistik jarayonlarni aks ettirgan asosiy manba bo'lib xizmat qiladi. Sohaga tegishli terminlarni tadqiq qilishda ma'noviy guruhlash va leksik-semantik guruhlash mohiyatan bir-biridan farq qiladi. Tilshunos olim A.Hojiyev leksik-semantik guruh alohida ma'noli leksemalarning umumiylig asosida birlashuvini nazarda tutib, bir umumiylig ma'no asosida birlashgan so'zlarni "leksik paradigma" tushunchasi bilan qo'llashni ma'qul topgan. Demak, aytish mumkinki, leksik terminlar umumiylig mazmun va ma'noga ega bo'lib, mohiyatan yetakchi semantik tushuncha